

【梵行】（科註第一〇七四頁第七行）

《佛學大辭典》（節錄）：（術語）

梵者清淨之義，斷婬欲之法為梵行，即梵天之行法也。修梵行則生梵天。

又涅槃名梵，證涅槃之萬行，云梵行。

又涅槃五行之一（涅槃經所明五行：聖行、梵行、天行、嬰兒行、病行）。梵者清淨之義，菩薩利他之行，能為一切不善之對治，離過清淨，故名梵行。

【不律儀】（科註第一〇七四頁第七行）

《佛學大辭典》：（術語）三種律儀之一。惡戒也，戒律有善惡二種，要誓而作善止惡，是善戒，稱為律儀；要誓而作惡止善，是惡戒，稱為不律儀。外道諸種之邪戒是也。惡戒雖為戒律之部類，然此為顛倒之戒律，故云不律儀。律儀發善之無表色，不律儀發惡之無表色。（無表色：受戒時，以強盛之身口表業為緣，滿身四大製造之一種色體也。此色體有防非止惡之功能，恒防止身口之過非，故以之為戒體，其物體外相不顯，故名無表。）

○【三種律儀】：

- 一、律儀，持善戒而發善之無表色者，即上品之善也。
- 二、不律儀，持惡戒而發惡之無表色者，即上品之惡也。
- 三、非律儀非不律儀，此中攝中善中惡之二無表色。若行中品之善而發善之無表色，非如律儀之極善，故謂之非律儀。

若行中品之惡而發惡之無表色，非如不律儀之極惡，故謂之非不律儀。

蓋上二者，別開極善極惡，第三者，合聚中善中惡。下善下惡不發無表色，則不攝於此中。

【行不到處】（科註第一〇七四頁倒數第四行）

《大覺禪師語錄》：諸佛行不到處。只在衲子腳頭邊。列祖說不得時。弗離諸人口角畔。（按：此或禪師闡釋「本有覺性，不因修得」之義。）